

經

義

述

聞

經義述聞第十六

高郵王引之

禮記下六十條

朋友虞附而退 父小功之末 長殤中殤大功之末
可以冠子嫁子 諸侯使人弔其次含襚賵臨皆同日
而畢事者也其次如此也 其名者成 士與其執事
先入門右 二披用纁 曰祖考廟 享嘗乃止
堯能賞均刑法以義終 文王之詩也 其立之也敬
以詘 歲既單矣 置之而塞乎天地 溥之而橫乎
四海 忿言不反於身 存諸長老 建陰陽天地之
情 脩於廟中 皆以齒 則民弗敢草也 倍厥忌

生 好實 則愼乎天下矣 貴不慊於上 文考
從命不忿 勞而不怨 二歲曰舍 三歲曰新田 陽
侯 承子以授壻 言其上下察也 慥慥 所以行
之者一也 來百工也 久則徵徵則悠遠 文理密
察 詩曰衣錦尚絅 寬身之仁 則民言不危行而
行不危言矣 爲下可述而志也 口費而煩 毋越
厥命以自覆也 苟有衣必見其敝 患邪淫 然而
從之 閒以二矢半 一指案寸 居處齊難 不程
勇者 錙銖 上恤孤而民不倍 尚亦有利哉 教
成祭之 故聖人制之以道鄉人士君子 求反諸已

緝密以栗 犧尊象尊 闌

朋友虞附而退

雜記相趨也。出宮而退相揖也。衰次而退相問也。既封而退相見也。反哭而退朋友虞附而退。鄭注曰。此弔者恩薄厚去遲速之節也。附皆當作祔。引之謹案。附衍字也。上文言雖虞附亦然。下文言非虞附練祥無沐浴。因杅涉而衍附字。又涉密服小記朋友虞祔而已之文。而誤案出宮也。衰次也。既封也。反哭也。虞也。皆於一日之中分遲速耳。反哭在既封之後。虞祭又在反哭之後。檀弓曰。葬日虞。又曰。日中而虞。則是日日中。朋友月退也。

若附則越始虞之日。歷再虞三虞卒哭而後有之事。在數日之後。與本日之蚤莫絕不相涉。何得以爲退之節乎。且朋友之退。旣以虞爲節。則俟主人虞祭而遂退。何待附乎。虞附並言。乃義之必不可通者。鄭云。附當作祔。則所見本已衍此字。

父小功之末 已雖小功

大功之末可以冠子。可以嫁子。父小功之末。可以冠子。可以嫁子。可以取婦。已雖小功旣卒哭。可以冠取妻。引之謹案。卒哭在弟三月。小功之末。則在弟五月。已之小功。自己之子視之。則爲父之小功。而其身服緦。已之小

功既卒哭可以冠取妻是已之小功三月而舉吉事不待在末之弟五月也而子於父之小功而已總者則必待在末之弟五月而後舉吉事已之小功既卒哭而可以自冠自取妻子於父之小功而已總者雖至在末之月亦但可爲子冠爲子取婦兩雅日子而不可以自冠自取妻是薄於已之小功而厚於已之總麻不且輕重倒置乎若云統於其父則父於小功卒哭後已可自冠自取妻已於父之小功卒哭後反不可以舉吉事而必俟父小功之末而猶不能冠取妻是父之視小功也輕而已之視父小功也反重豈統於其父之謂乎揆之於

理始不可通。今案父小功之末。小當爲大。因下文兩言

小功而誤也。鄭注曰。父小功卒哭而可以取婦。則所見本已誤爲小。云父大功者

所以別於已之大功也。上大功之末爲已之大功。故此

別之曰父大功。父大功之末可以冠。子可以嫁。子可以

取婦者。言已於父之大功至服將盡之弟九月。乃可冠

已之子。嫁已之子。及爲已之子取婦也。已大功之末。但

可冠。子嫁子。父大功之末。則不但冠。子嫁子。而又可以

爲子取婦者。父之大功輕於已之大功也。已雖小功。雖

字不辭。凡抑揚其語。則言雖以明之。小功親殺。三年問曰。三年

以爲隆。總小功以爲殺。期九月以爲間。故已之傷之也。輕而舉吉事也。蚤

殺。

理直辭順無所用其抑揚不得言雖也雖當讀唯古字

多借雖爲唯

大雅抑篇女雖湛樂從言女唯湛樂之從也管子君臣篇故民迂則流之民流則迂

之決之則行塞之則止雖有明君能決之又塞之言唯有明君能如此也楚辭離騷余雖脩姱以鞿羈兮言余唯有脩姱之行以致爲人所係累也詳見釋詞已唯小功既卒哭可以冠取

妻者言以已之服而論則唯小功之喪既卒哭而舉吉事不但可以冠子嫁子及爲子取婦又可以自冠自取妻也言已者別於上文之言父也言唯小功者別於上文之大功也已之大功不如是而小功如是故言唯以別之不言父小功者父之小功輕於已之小功已之小功既卒哭可以冠取妻則已於父之小功既卒哭亦可

以冠取妻不待言矣冠取妻猶可則其可以冠子可以

嫁子可以取婦更不待言矣經有譌文借字而學者不

察故多方解釋而終致抵忤此亟當辨正者也又案已

之大功父爲之小功若已爲女子子適人者大功於則父則爲女孫孫適人者小功

當以已之大功論從其重者以明厚也至弟九月始可

以冠子嫁子若父之大功已爲之小功若父爲從父昆弟大功於已則

爲從祖父從祖父小功則以父之大功論亦從其重者以明厚也

至弟九月始可以冠子嫁子取婦惟無父之大功而但

有已之小功若已爲外祖父母小功於父則如小功之則爲妻之父母妻之父母繼

禮行之至卒哭之後卽可以冠取妻矣經文之意可推

也

長殯中殯大功之末可以冠子嫁子

下殯之小功則不可正義曰下殯之小功則不可者謂

其餘小功可以冠取若本服齊衰下殯降在小功者則

不可不可者不可冠嫁也

經謂不可冠取妻非謂以本

不可冠子嫁子也此誤

服是齊衰重故也若其長殯中殯之大功者庾氏注要

記云卒哭之後則得與尋常大功同於大功之末可以

身自冠嫁

經謂可以冠子非謂身自冠也此誤

所以然者雖本期年但降

在大功其服稍伸故得冠嫁也賀氏云小功下殯本是

期親以其重故不得冠取推此而言之降在大功理不

得冠嫁矣今謂齊衰下殤尚不可冠取而況齊衰長殤
中殤降在大功何可冠嫁庚記非也今從賀義引之謹
案庚氏之說差爲近之但不當以卒哭之後爲大功之
末耳

卒哭在弟三月大功之末在弟九月大功之末非謂既卒哭也陳希已辯之

大經云大功

之末可以冠子可以嫁子而不云長殤中殤之大功則
不可是長殤中殤大功之末與尋常大功同也所以然
者服之九月七月長殤九月中殤七月其情稍伸故也但冠子嫁
子則可爲子取婦則不可自冠自取妻則尤不可知者
經云大功之末可以冠子可以嫁子而不云可以取婦
可以冠取妻也冠取妻與取婦必俟除喪乃得爲之也

更以前殤小功言之下殤之小功則不可謂下殤小功
既卒哭不可以冠取妻也所不可者惟在冠取妻則冠
子嫁子及爲子取婦未嘗不可也下殤小功既卒哭尚
未至於其末也已可以冠子嫁子取婦長殤中殤大功
之末已至於其末矣何不可以冠子嫁子乎賀氏不知
卒哭之非末又不知冠子嫁子輕於冠取妻乃欲以下
殤小功既卒哭之不可冠取妻斷長殤中殤大功之未
不可冠子嫁子失之遠矣何冲遠反是賀而非庾邪曰
長殤中殤有父大功而已否者乎曰無父爲子女子子
之長殤中殤姊妹之長殤中殤昆弟之長殤中殤大功

於已則爲昆弟姊妹之長。殤中殤姑之長。殤中殤叔父之長。殤中殤亦大功也。已與父同大功。則以已之大功論而不得謂之父之大功。其末之月可以冠子嫁子。而不可以取婦。不可以冠取妻者也。若父之叔父與姑。於已爲從祖祖父父之姑。假令爲長殤中殤父當爲之大功。已爲從祖祖父父小功。父之姑。總則於從祖祖父父及父之姑之殤。當更有降殺。然其行輩與祖同。當已子將冠嫁之時。年皆已長。無復有死而爲殤者矣。是以喪服有叔父及姑之長。殤中殤下殤。而無從祖祖父父及父之姑之殤也。然則長殤中殤無父爲叔父及姑之大功亦無。

父大功之未已。可冠子嫁子。取婦之禮矣。此可以推求而得者也。

諸侯使人弔其次含襚賄臨皆同日而畢事者也。其次如此也。

鄭注曰。言五者相次同時。正義曰。謂諸侯使人弔鄰國。先行弔禮。急宣君命。人以飲食爲急。故含次之。食後須衣。故襚次之。有衣卽須車馬。故賄次之。君事旣畢。則臣私行已禮。故臨禮在後。其事雖多而同一日取畢也。引之謹案上其次二字蓋衍。次於弔者惟含而已。襚賄臨則由含而遞相次。非皆次於弔也。不得竝以爲弔之次。

若以爲次序之次則與下其次相複。上已云其次下不須更言其次如此矣。當作諸侯使人弔含禭贈臨皆同日而畢事者也。使人二字直貫下五事。言諸侯之使人弔也。含也。禭也。贈也。臨也。其事皆同日而畢也。其序則弔爲先。含次之。禭次之。贈次之。臨次之。故又曰其次如此也。次者序也。鄭注先言相次後言同時則所見本已衍上其次二字。又案此一節當在上文客出送于門外拜稽顙之下。錯簡在此耳。上文自弔者卽位于門西東面以下。歷言弔含禭贈臨之禮。至此又總論其事曰。諸侯使人弔含禭贈臨皆同日而畢事者也。謂上文也。上文弔含禭贈

畢。皆言降出反位。至既歸乃云。其次如此也。此上文客出送于門外。是同日而畢也。也言其先後之序。有如上文之由弔而含而禭而贈而臨也。自錯亂在此。遂與上文隔絕而如此二字。遂不知所指矣。吳澄禮記纂言。每篇皆依類編次。而於此一節不列於送于門外拜稽顙之下。乃列於弔者。卽位于門西之前。則不知經文爲承上之辭故也。

其名者成

凡宗廟之器。其名者成。則蠶之以豶豚。鄭注曰宗廟名器。謂尊彝之屬。正義曰。若作名者成。則蠶之。若細者成。則不蠶。家大人曰。名。大也。謂器之大者也。故鄭云尊彝。

之屬禮器。因名山升中於天。鄭注曰：名猶大也。高誘注淮南地

形篇亦曰：名山大山也。中山經曰：天下名山五千三百

七十。蓋其餘小山甚眾不足記云。莊子天下篇曰：名川

三百。支川三千。小者無數。是名山川。即大山大川也。

王制言名山。山大川。月令言大山名源。襄十一年左傳言

名山川。魯語取名魚。韋昭注曰：名魚大魚也。秦策賂

其義一也。一名都。高誘注曰：名大也。魏策曰：大縣數百名都數七。莊子人閒

世篇楸栢桑三園四園求高名之麗者斬之。司馬彪曰：麗小船。又

屋焉也。謂求高大之麗者用此木也。此皆古人謂大為名

之證。記言器之名者。釁之對小者不釁而言。是名亦為

大也。

士與其執事

藝大記士與其執事。則斂卽注曰。斂者必使所與執事者。不欲使妄人褻之也。釋文士與音預。注同。正義曰。士與其執事。則斂者。釋前士是斂也。與執事。謂平生曾與亾者其執事。今與喪所。則助斂也。引之謹案。與其執事。文義不明。其蓋其之譌也。平生曾與亾者其執事。則謂之與其執事矣。與當如字讀。注云所與執事。亦如字讀也。陸氏孔氏所見本。其字已譌作其。故釋文與音預。正義增其字以釋與字。文言與喪。所以足與字之義。而不知經文之其本是其字。與其二字通讀爲義。非謂預其事亦非謂與喪所也。

先入門右

君至主人迎先入門右。七經孟子考文曰。古本無門字。引之謹案鄭注曰。先入右者。入門而右也。則經文無門字可知。鄉飲酒禮。主人揖先入。鄭注曰。先入門而西面。鄉射禮。主人以賓揖先入。注曰。先入。入門右西面。經但言入而注增門字。以釋之。正與此同。正義先入門右者。右門內東邊也。亦當作先入右者。右門內東邊也。入下門字。後人據已誤之正文增之耳。唐石經始衍門字。

二披用纁

士戴前纁後緇。二披用纁。正義曰。二披用纁者。據一邊

前後各一披故云二披用纁若通兩旁則亦四披也引之謹案上文君纁戴六纁披六大夫戴前纁後元披亦如之則披當與戴同色今云一邊前後各一披皆用纁則結於前纁之戴者與戴同色結於後纁之戴者又與戴異色無是理也且纁披六者合左右各三而言之則此亦當合計左右何得但據一邊乎今案二披用纁者降於大夫也大夫四披左右各二前二披纁後二披元士則二披左右各一其色但用纁也士戴前纁後纁而云二披用纁則二披結於前纁之戴可知披與戴同色前戴用纁故披之結於前戴者亦纁也其後纁之戴蓋

不結之以披若結之以披則其色亦當用纁披之在前者左右各一而用纁在後者又左右各一而用纁則披之色與數皆與戴等經當云士戴前纁後緇披亦如之不得但云二披用纁矣今後緇之戴無披故但有前二披也以是明之

曰祖考廟 遠廟爲祧 去祧爲壇 去壇爲

墀 去墀曰鬼

引之謹案祭法之祖考廟與王制大祖之廟不同王制大祖之廟謂始祖若周之后稷是也廟之不祧者也祭法祖考廟謂顯考之父廟之親盡則祧者也其曰王立

七廟一壇一墀。曰考廟。曰王考廟。曰皇考廟。曰顯考廟。曰祖考廟。皆月祭之。遠廟爲祧。有二祧。享嘗乃止。則祖考廟乃廟之不遠者。其爲顯考之父之廟無疑。至二祧則當一爲祖考之考。一爲祖考之王考。去祧爲壇。則當爲祖考之皇考。去壇爲墀。則當爲祖考之顯考。去墀曰鬼。則當爲祖考之祖考矣。以諸侯五廟一壇一墀例之。去祖爲壇。謂祖考親盡則爲壇也。則天子七廟亦當去祖爲祧。祖考親盡則祧矣。鄭注以祖考爲始祖。正義以二祧爲文武二廟。始祖在文武前而不謂之遠廟。轉謂始祖以後之文武二廟爲遠廟。無是理也。去祧爲壇。爲高祖之父。高祖卽顯考。去壇爲墀。爲高祖之

祖皆與記支次序不合記明云設廟祧壇墀而祭之乃爲親疏多少之數則廟祧壇墀皆依世之親疏爲序鬼疏於壇墀疏於壇壇疏於祧祧疏於廟較然甚明豈得旁引他書之義以亂本義乎大抵議禮之家各記所聞不能盡合故祭法與王制不同學者依文解之而闕所疑可矣必欲合以爲一則治絲而棼之也王肅家語廟制篇合王制祭法爲一而以祖考爲大祖卽沿鄭注之誤至謂二祧爲高祖及父母祖卽皇考則以顯考皇考廟爲二祧與祭法之文相刺繆矣遠廟爲祧顯考皇考廟乃廟之近者而以爲祧可乎

享嘗乃止

享嘗乃止。鄭注曰：享嘗謂四時之祭，引之謹案：享嘗約舉春秋言之，如云禘嘗耳。魯語嘗禘蒸享之所致君胙者有數矣。韋注曰：秋祭曰嘗，夏祭曰禘，冬祭曰蒸，春祭曰享。大戴禮千乘篇：方春三月於時有事，享于皇祖。皇考方夏三月於時有事，享于皇祖。皇考。此句享字當作禘，說見大戴禮方秋三月於時有事，嘗于皇祖。皇考。方冬三月於時有事，蒸于皇祖。皇考。

堯能賞均刑法以義終

堯能賞均刑法以義終。鄭注曰：賞，賞善，謂禪舜封禹，稷

等也義終謂既禪二十八載乃外也家大人曰上文法

施於民則祀之正義曰若神農后土帝嚳堯黃帝顓頊

契之屬是也若義終謂既禪二十八載乃外則是聖人

之必得其壽而非法施於民之事矣案此篇自聖王之

制祭祀以下皆魯語文也彼文云堯能單均刑法以儀

民單盡也均平也儀善也皆韋注謂堯能盡平刑法以善

其民也此作堯能賞均刑法以義終者賞當為亶字之

誤也隸書賞字作賞亶與單通盤庚誥告用亶釋文亶

大雅桑柔正義引某氏注曰詩云俾爾亶厚今詩亶作

單鄭箋曰單盡也周頌昊天有成命篇單厥心周語單

作亶史記麻書端蒙單閼徐廣曰單閼一作亶安又呂

氏春秋重已篇使易獲疾引牛尾尾絕力亶而牛不可

行高注。夏讀口單。單盡也。淮南道應義與儀通。爾雅儀篇厚葬久喪以夏其家夏亦與單同。善也。大雅文王篇宜昭義問。毛傳義終與眾通。周頌振鷺篇以善也。餘見前別之以禮義下。系與眾通。水終譽後漢書崔駰傳終作眾。雜卦傳大有眾也。荀爽本眾作終。士相見禮眾皆若是。今文眾爲終。漢書楊王孫傳。从者終生之化而物之歸也。漢紀終作眾。漢杜陽太守。眾亦民也。周憬功勲銘。往古來今變甚終矣。終卽眾字。眾亦民也。卽魯語之堯能單均刑法以儀民也。鄭語曰。夏禹能單平水土以品處庶類。韋注單盡也。文義與此相似。帝嚳能序星辰以著眾。堯能單均刑法以儀眾。二句文同一例。皆法施於民之事也。鄭未寤賞爲夏字之誤。義終爲儀眾之通。故因文生訓而失其本指。周官大司樂注曰。堯能輝均刑濫以儀民。從魯語而不從祭法。較此注爲長。而

賈疏復引此注以釋之斯爲謬矣。

文王之詩也

祭義詩云明發不寐有懷二人。文王之詩也。正義曰此幽王小雅小宛之篇。而云文王之詩也者。記者引詩。斷章取義。且詩人陳文王之德以刺幽王。亦得爲文王之詩也。家大人曰。詩當作謂。此因上文詩字而誤也。表記曰。詩云莫莫葛藟。施于條枚。凱弟君子。求福不回。其舜禹文王周公之謂與。文義與此略同。鄭於此句無注。則所見本必作文王之謂。若作文王之詩。則與詩義不合。不得無注。家語哀公問政篇。詩云明發不寐有懷二人。

則文王之謂與主肅注曰。假此詩以喻文王。王肅作家語多取禮記之文。則肅所見本尙不誤也。

其立之也敬以詘 立而不詘固也

孝子之祭可知也。其立之也敬以詘。鄭注曰。詘。充詘形容喜貌也。下文立而不詘固也。注曰。固猶質陋也。引之謹案。詘卑詘也。下文曰。其奠之也身必詘。又曰。宿者皆出其立卑靜以正。皆其證也。固猶倨也。立而不詘是倨傲也。下文退立而不如受命。敖也。亦指立言之。大戴禮曾子立事篇曰。弗知而不問。勇固也。固亦謂倨傲也。不肯下人。是倨傲也。曾子制言篇曰。今之弟子。病下人。不能事賢。恥不知。而又不問。荀子脩身篇曰。

容貌態度進退趨行不由禮則夷固僻違庸眾而野夷固猶夷倨也。楊倨注固陋也誤與鄭同夷固僻違猶言倨傲僻違不苟篇曰倨傲僻違以驕溢人是也脩身篇又曰體倨固而心執詐是固與倨同義鄭說皆失之

歲既單矣

歲既單矣世婦卒繡鄭注曰歲單謂三月月盡之後也言歲者繡歲之大功事畢於此也引之謹案注說似失之迂歲既單者春既盡也釋名曰歲越也越故限也越四時謂之歲越一時亦可謂之歲故四時之祭皆曰薦歲事。見特性少歲事卽時事也。今迎春迎夏迎秋迎

冬淮南時則篇皆作迎歲是一時亦謂之歲也。

置之而塞乎天地

夫孝置之而塞乎天地正義曰置謂捨置也引之謹案

置讀爲植植立也以上下言之也下文敷之而橫乎四

海俗本敷誤作海敷布也以四旁言之也大戴禮記曾子

大孝篇夫孝置之而塞於天地衡之而衡於四海盧注

曰置猶立也衡猶橫也淮南原道篇植之而塞于天地

橫之而彌于四海高注曰植立也古字植與置通商頌

那篇置我鞀鼓箋曰置讀曰植莊子外物篇草木之到

植者過半釋文曰植立也本亦作置

溥之而橫乎四海

引之謹案溥之而橫乎四海溥本作敷敷布也本或作

傳傳與敷古字通

皋陶謨敷內以言漢書成帝紀作傳納以言馬賁禹敷土荀子成相篇作

禹傳土顏師古楊倞竝曰傳讀爲敷商頌長發篇傳奏其勇釋文傳音字本亦作敷漢書宣帝紀傳奏其言孔

宙牌祇傳五教卽本堯典之敷奏以言敬敷五教孔穎達從作敷之本而兼列

作傳者正義曰敷之而橫乎四海者敷布也布此孝道

而橫被於四海言孝道廣遠也敷字定本作傳傳古敷

字傳箸之名義俱通是也陸德明從作傳之本而兼列

作敷者釋文曰傳之本亦作敷同芳子反是也自唐石

經誤刻作溥而後人從之遂改經文之敷爲溥并正義

四敷字亦改爲溥不知孔訓敷爲布若作溥字不得訓

爲布矣

經傳無訓溥爲布者

又改釋文之傳爲溥不知傳音芳于

反若作溥字不得音芳于反矣

玉篇廣韻溥字並無敷音集韻溥芳無切布也

則所見釋文正義本已誤

羣書治要及初學記人部上太平御覽人

事部五十三並引祭義敷之而橫乎四海是舊本作敷之明證

忿言不反於身

惡言不出於口忿言不反於身鄭注曰人不能無忿怒忿怒之言當由其直直則人服不敢以忿言來也正義曰定本反作及引之謹案唐魏徵羣書治要及白帖二

十五引此竝作及。大戴禮曾子本孝篇曰惡言不出於口。煩言不及於已。曾子大孝篇曰惡言不出於口。忿言不及於已。則當以作及為是。鹽鐵論毀學篇曰惡言不出於口。邪行不及於已。文與此小異而此謂人之忿言非已之忿言也。君子惡言不出於口。則亦不以忿言加人矣。及反形相似。故及譌為反。繫辭傳原始反終反。鄭虞本作及。樂記武王克殷反商反。當為及。

存諸長老

天子有善讓德於天。諸侯有善歸諸天子。卿大夫有善薦於諸侯。士庶人有善本諸父母。存諸長老。家大人曰存字於義無取。存亦當為薦。鄭注曰薦進也。士庶人有

禮疏引作脩於廟中亦是後人所改。鄭注特牲饋食引祭統餽者祭之末也云云。疏云引祭統者證餽是鬼神之惠。偏廟中若國君之惠。偏竟內以是明之。

皆以齒

尸飲五。君洗玉爵獻卿。尸飲七。以瑤爵獻大夫。尸飲九。以散爵獻士及羣有司。皆以齒。明尊卑之等也。正義曰。謂獻卿大夫士及有司等。其爵雖同。皆長者在先。故云皆以齒。引之謹案此言尊卑之等。非言長幼之序也。不得云皆以齒。皆以齒三字。蓋涉下文凡羣有司皆以齒而誤衍。正義不能釐正。而云爵同則長者在先。若然則

序爵又以序齒而第四倫之尊卑與弟九倫之長幼遂
雜糅而無別矣且上云皆以齒下云明尊卑之等也文
義不大相刺謬耶鄭注不釋皆以齒之義蓋所見本無
此三字

則民弗敢草也

草艾則墨未發秋政則民弗敢草也引之謹案弗敢下
脫艾字承上文草艾而言也艾草但曰草則文不成義
月令令民毋艾藍如去艾字而曰令民毋藍其可通乎
正義釋經曰未發秋政則民不敢艾草也者言夏節雖
盡人君未發行秋政則民不敢艾草也然則經文本作

艾草。寫者脫去艾字耳。唐石經已然。

倍外忘生

經解。喪祭之禮廢。則臣子之恩薄。而倍外忘生者。眾矣。

家大人曰。喪祭非所以事生。則喪祭之禮廢。亦不得言

忘生。

正義曰。喪祭之禮。所以敦助臣子恩情。使外忘生者。不見背違。生者恒相存念。此曲爲之說也。

爲先字之誤也。

大戴禮禮察篇亦作生。蓋後人據小戴記誤字改之。喪禮廢。則民

倍外。祭禮廢。則民忘先。漢書禮樂志曰。喪祭之禮廢。則

骨肉之恩薄。而背外忘先者。眾。顏師古曰。先者。先人。謂

祖考。論衡薄葬篇曰。故曰。喪祭禮廢。則臣子恩泊。臣子

恩泊。則倍外忘先。二書皆用經解文也。

好實

哀公問。今之君子好實無厭。鄭注曰。實猶富也。引之謹案。說文實富也。此言好實無厭。則實謂貨財也。表記其君子尊仁畏義。恥費輕實。鄭彼注曰。實謂財貨也。文十八年左傳。聚斂積實。不知紀極。楚語。令尹問蓄聚積實。韋杜注竝曰。實財也。皆與此實字同義。此對上文古之君子與民同利而言。大戴作好色無厭。乃後人不知古義而妄改之。

則愾乎天下矣

君行此三者。則愾乎天下矣。鄭注曰。愾猶至也。家語大

婚篇與此同王肅注曰愾滿也家大人曰愾訓爲滿於義爲長行此三者則愾乎天下猶孔子閒居言致五至而行三無以橫於天下也鄭注曰橫充也充亦滿也廣雅亦曰愾滿也

貴不嫌於上

坊記禮者因人之情而爲之節文以爲民坊者也故聖人之制富貴也使民富不足以驕貧不至於約貴不嫌於上故亂益亡鄭注曰嫌恨不滿之貌嫌或爲嫌正義曰貴謂卿士之屬也聖君制其祿秩隨功爵而施則貴臣無復恨君祿爵以薄於已者也引之謹案卿士之屬

位尊祿厚何所不滿而恨君乎。隱三年左傳曰降而不憾憾而能眴者鮮矣。謂貴寵之人不甘廢黜也。若保其爵祿則固無憾矣。何待聖人使之而始然乎。鄭注未爲得也。今案慊亦嫌字也。說文心部慊疑也。女部嫌不平於心也。一曰疑也。漢書趙充國傳媼得避慊之便。顏師古曰慊亦嫌字。是慊與嫌同。故本或作嫌也。貴臣位與君近。居室丈尺俎豆衣服之事。若與君相侶則上擬於君。是嫌於君也。嫌於君則冒上無等而亂。由此生矣。故穀梁春秋隱四年。衛祝吁弑其君完。傳曰大夫弑其君以國氏者嫌也。呂氏春秋慎勢篇王也者勢無敵也知無敵則似類嫌疑之道遠矣故先王之

法立天子不使諸侯疑焉立諸侯不使大夫疑焉立適子不使庶孽疑焉疑生爭爭生亂聖人制禮使貴者與君隆殺有別則臣節著明不嫌於上故曰貴不嫌於上也上下辨而民志定故禍亂益無也下文曰夫禮者所以章疑別微以爲民坊者也故貴賤有等衣服有別朝廷有位則民有所讓又曰天無二日土無二王家無二主民無二上示民有君臣之別也春秋不稱楚越之王喪禮君不稱天大夫不稱君恐民之惑也又曰君不與同姓同車與異姓同車不同服示民不嫌也其義一也燕義不以公卿爲賓而以大夫爲賓爲疑也明嫌之義也鄭注曰疑自下上至之辭也公卿尊矣復

以爲賓則尊與君大相近亦聖人制禮不使貴嫌於上之一端矣嫌爲古嫌字而學者曾莫之察嫌之音嫌僅見於說文注下小徐音賢兼反大徐音戶兼切並與嫌同蓋說文舊音也而玉篇廣韻皆無此音蓋失其讀久矣

文考

大誓曰予克紂非予武惟朕文考無罪鄭注曰文考文王也引之謹案注當曰文考文德之考謂文王也古人稱王稱公稱侯及稱伯仲多以謚冠之如文王文公文侯文伯文仲之類是也其稱祖稱考則無冠以謚者古寶蘇鍾曰走作朕皇祖文考寶蘇鐘癘鼎曰用作皇祖

文考孟鼎師觶尊曰用作乃文考寶彝師淮父卣曰用作文考伯乙寶尊彝單癸卣曰作父癸旅車文考曰癸乃方戡敦曰用作朕文考寶敦宰辟父敦曰用作文考寶敦師毀敦曰用作朕文考乙仲鬲敦牧敦曰用作朕皇文考益伯寶尊敦九器之銘皆言文考諡文者未必如是之多其他鼎彝之屬多稱皇考無稱諡者不應文考獨爲諡又不應於諡法之中獨稱文也以此求之文考乃贊美之稱謂有文德之考耳非諡也且皇祖與文考對舉皇文考以皇文竝列皇旣非諡則文亦非諡可知皇文考猶言堯烈考康誥今民將在祗遘乃文考傳曰文德之

父洛誥承係乃文祖受命民傳曰文德之祖文王是文祖文考之文皆非謚也古人贊美祖考多謂之文互見前亦右支母下

從命不忿

從命不忿微諫不倦勞而不怨可謂孝矣陳澧集說曰從命不忿謂承受父母命令之時不可有忿戾之色一說忿當作怠家大人曰一說是也怠與倦義相近從命不怠微諫不倦皆謂久而不衰也大戴禮曾子立孝篇曰微諫不倦聽從而不怠可謂孝矣語意正與此同蓋從親之命而不怠斯可謂之孝故內則曰子婦孝者敬

者父母舅姑之命勿逆勿怠若從命而不忿戾則未得爲孝也。

勞而不怨

微諫不倦勞而不怨引之謹案勞憂也高誘注淮南精

神篇曰勞憂也凡詩言實勞我心勞心忉忉甫田傳忉忉憂勞也

勞心惓惓素冠傳惓惓憂勞也勞人草草之類巷伯箋草草者皆

謂憂也鄭注微諫不倦曰論語曰事父母幾諫見志不

從又敬不違內則曰父母有過下氣怡色柔聲以諫諫

若不入起敬起孝說則復諫此所謂不倦以上鄭注案勞而

不怨卽承上微諫不倦而言言諫而不入恐其得罪於

鄉黨州閭孝子但心憂之而不怨其親也。論語勞而不怨。承上見志不從而言。亦謂憂而不怨也。曲禮曰。三諫而不聽。則號泣而隨之。可謂憂矣。皇侃疏引內則。撻之流血。不敢疾怨。以爲證。案撻之流血。非勞之謂也。邢昺疏曰。父母使己以勞辱之事。己當盡力服勤。不得怨父母。則又與上文幾諫之事無涉。胥失之矣。孟子萬章篇曰。父母愛之。喜而不怠。父母惡之。勞而不怨。勞與喜相對。亦謂憂而不怨也。下文曰。惟順於父母。可以解憂。是其明證矣。祭義曰。父母愛之。嘉而勿忘。父母惡之。懼而無怨。懼與憂事相近。又其一證也。

二歲曰畚三歲曰新田

易曰不耕穫不菑畚凶鄭注曰田一歲曰菑二歲曰畚
三歲曰新田正義曰案爾雅釋地云田一歲曰菑二歲
曰新田三歲曰畚此云三歲曰新田者誤也引之謹案
說文曰畚二歲治田也无妄釋文曰畚馬云田三歲也
說文云二歲治田也是說文以
畚爲二歲治田與馬注不同今本說文
作三歲治田則後人以爾雅改之也虞注无妄亦曰
田在初一歲曰菑在二二歲曰畚叔重仲翔說畚字之
義竝與此注同則此注必別有所本非誤記爾雅也

陽侯 繆侯

禮非祭男女不交爵以此坊民陽侯猶殺繆侯而竊其

夫人鄭注曰同姓也其國未聞正義曰唯有陽侯繆侯
是兩君之諡未聞何國君故云未聞引之謹案陽繆非
諡也繆當讀爲蓼聲相近而假借也繆蓼皆以
蓼爲聲淮南汜
論篇陽侯殺蓼侯而竊其夫人高注曰陽侯陽陵國侯
也蓼侯皋陶之後偃姓之國侯也今在廬江案漢始有
陽陵侯傳寬見史記高祖
功臣侯表古無陽陵國侯也閔二年春
秋齊人遷陽杜注曰陽國名則古有陽國凡稱諸侯必
以其國豈有舍其國而但舉其諡者乎

承子以授壻

昏禮壻親迎見於舅姑舅姑承子以授壻正義曰婦之

父母承奉女子以付授於壻家大人曰孔以承爲承奉
非也承者引也言引女以授壻也漢書賈誼傳人主胡
不引殷周秦事以觀之也大戴記禮察篇引作承是承
卽引也說苑脩文篇載諸侯親迎之禮云夫人取一兩
屨以履女正笄衣裳而命之文拜乃親引其手授夫乎
戶引亦承也故曰承子以授壻

言其上下察也 察乎天地

中庸詩云鳶飛戾天魚躍于淵言其上下察也鄭注曰
察猶箸也言聖人之德至於天則鳶飛戾天至於地則
魚躍于淵是其箸明於天地也家大人曰廣雅察至也

御覽引書大傳曰。察者至也。此引詩以明君子之道之大。上至於天。下至於地也。故下文曰。君子之道造端乎夫婦。及其至也。察乎天地。管子內業篇曰。上察於天。下極於地。淮南原道篇。高不可際。高誘注曰。際至也。際與察古同聲。故原道篇。施四海際天地。文子道原篇。作施於四海。察於天地。鄭謂聖人之德。至於天。至於地。已得察字之解。而又訓以爲省。則轉失之矣。

慥慥

言顧行。行顧言。君子胡不慥慥爾。鄭注曰。慥慥守實言。行相應之貌。錢氏荅問曰。古書造與慥通。

韓子忠孝篇
舜見瞽瞍其

容造焉孟子作其容有蹙大戴禮係傳
蹙蹙猶蹙蹙當

篇靈公造然失容賈子新書作戚然

取不自足之意鄭以爲守實恐未必然引之謹案蹙蹙
亦非自謙之貌不得云不自足也蹙之言蹙也急也廣
雅曰蹙急也迫也慙慙者龜勉不敢緩之意猶言汲汲
耳君子胡不慙慙爾言君子何事不汲汲然自勉乎廣
韵慙言行急也正指此篇言行慙慙而言蓋出盧植王
肅諸家所注較鄭義爲長

所以行之者一也

天下之達道五所以行之者三曰君臣也父子也夫婦
也昆弟也朋友之交也五者天下之達道也知仁勇三

者天下之達德也所以行之者一也正義曰所以行之者一也言百王以來行此五道三德其義一也家大人曰一字衍文也五道是所行者三德是所以行五道者五者天下之達道也卽所謂天下之達道五也三者天下之達德也所以行之者也卽所謂所以行之者三也文義上下相應不當有一字此因下文所以行之者一也而誤衍耳史記平津侯傳智仁勇此三者天下之通德所以行之者也漢書公孫傳仁知勇三者所以行之者也則經文本無一字鄭於下文所以行之者一也注曰一謂當豫也而於此不釋一字則鄭本無一字可知

家語哀公問政篇智仁勇三者天下之達德所以行之者一也一字亦後人據誤本禮記加之也

來百工也

來百工也引之謹案來讀勞來之來謂勸勉之也來字本作勸說文勸勞勸也經典釋文條例曰來旁作力俗以爲約勸字說文以爲勞勸字孟子滕文公篇勞之來之謂勸勉之也月令爲天子勞農勸民鄭注曰重力來之今本譌作重教之蓋力來二字合譌爲勸字後人又改勸爲教耳今從齊民要術所引及七經孟子漢書王莽傳考文所引古本足利本訂正力來義見下漢書王莽傳力來農事顏師古注曰力來勸勉之也來音郎代反是相勸勉謂之來故下文日日省月試既稟稱事所以勸

百工也釋文來字無音正義以爲招來百工皆失之

久則徵徵則悠遠

故至誠無息不息則久久則徵徵則悠遠鄭注曰徵猶效驗也此言至誠之德既著於四方徵或爲徹引之謹案作徹者爲長徹達也見周語韋注久則由一日以達終身由一時以達萬世故曰久則徹徹則悠遠若但云效驗則效於目前而不效於將來者有之矣何以必其悠久無疆乎蓋徹與徵字形相似因譌爲徵耳

文理密察

注及正義皆不釋密字引之謹案考工記廬人傳人則

密郎注曰密審也正也爾雅抑抑密也郭注曰威儀審
誦密有審正之義故與察連文密之言覆也爾雅覆察
審也古音密覆相近小雅楚茨篇苾苾芬孝祀韓詩必作
覆見文選蘇是其例矣
子卿詩注

詩曰衣錦尚絀

詩曰衣錦尚絀惡其文之著也正義曰此詩衛風碩人
之篇案詩本文云衣錦褻衣此云尚絀者斷截詩文也
引之謹案衣錦尚絀詩無此語竊謂詩曰下本有衣錦
絀衣四字衣錦尚絀則釋詩之詞也沖遠作正義時已
脫衣錦絀衣四字於是衣錦尚絀遂承詩曰之下故誤

以爲引詩作衣錦尚絅而謂之斷截詩文也碩人箋曰
裘禪也尚之以禪衣爲其文之大簪鄭風丰篇衣錦褰
衣裳錦褰裳箋曰裘禪也蓋以禪縠爲之中衣裳用錦
而加禪縠爲其文之大簪也蓋中庸衣錦尚絅二句
正釋詩之衣錦褰衣故鄭箋詩而用其義則所據中庸
本有衣錦綢衣四字可知否則中庸所引與詩本文有
異鄭不應不置一詞也

寬身之仁

表記以德報怨則寬身之仁也以怨報德則刑戮之民
也鄭注曰仁亦當言民聲之誤引之謹案仁與人古字

通繫辭傳何以守位曰人王肅本作仁論語推也篇井
有仁焉漢韓勅造孔廟禮器碑四方士仁聞君風耀
仁竝與人亦民也不必改爲民

則民言不危行而行不危言矣

緇衣可言也不可行君子弗言也可行也不可言君子
弗行也則民言不危行而行不危言矣鄭注曰危猶高
也言不高於行行不高於言言行相應也引之謹案危
讀爲詭詭者違也反也言君子言行相顧則民言不違
行行不違言矣呂氏春秋淫辭篇所言非所行也所行
非所言也言行相詭不祥莫大焉謂言行相違也淮南
主術篇拂道理之數詭自然之性漢書董仲舒傳有所

詭於天之理高誘顏籀注竝曰詭違也古字詭與危通
漢書天文志司詭星出正西史記天官書詭作危曹大
家注幽通賦曰詭反也史記李斯傳曰今高有邪佚之
志危反之行危反卽詭反賈子傳職篇天子燕業反其
學建本渾本反譌作及今從續漢書百官志所引本或作燕辟廢其學後人以學記改之也左右之
習詭其師淮南齊俗篇禮樂相詭服制相反詭亦反也
淮南說林篇尺寸雖齊必有詭高注曰詭不同也文子
上德篇詭作危

爲下可述而志也

緇衣爲上可望而知也爲下可述而志也則君不疑於

其臣而臣不惑於其君矣鄭注曰志猶知也正義曰爲臣下率誠奉上其行可述敘而知引之謹案述之言循也志之言識也循其言貌察之而小人可識也大戴禮文王官人篇曰飾貌者不情可述而志則非飾貌者矣述而志猶言望而知以其外箸者言之也賈子等齊篇引此作可類而志謂據其衣服號令比類而知亦以外箸者言之也正義說此未了

口費而煩

鄭注曰費猶惠也言口多空言且煩數也費或爲陸或爲悖正義曰口虛出言而無實從之是口惠也口惠不

難失在煩數故云而煩也引之謹案此以口惠而實不
至說之也然書傳無訓費為惠者不得以口費為口惠
也費當讀為悖或本作悖者正字也作悖者別體也說
諄亂也或作悖悖即諄
字從口從言其義一也作費者字之假借也費從弗聲
古弗聲字聲之字往往相通若字星之字又作莢
大索之縛又作紼勃然變色之勃又作輓是也墨子
魯問篇豈不悖哉又曰豈不費哉費即悖也悖逆也煩
擾也亂也大學曰言悖而出者亦悖而入口之所出逆
於義理則是非擾亂而禍患隨之所謂一言僨事也故
曰口悖而煩易出難悔

毋越厥命以自覆也

大甲曰毋越厥命以自覆也若虞機張往省括于厥度則釋鄭注曰越之言蹙也言毋自顛蹙女之政教以自毀敗家大人曰越輕易也言毋輕發女之政令以自敗也必度於道而後行之若射之省矢括於其度而後釋正見發令之不可輕易也上文曰小人溺於水君子溺於口大人溺於民皆在其所藝也夫水近於人而溺人德易狎而難親也易以溺人口費而煩易出難悔易以溺人夫民閉於人而有鄙心可敬不可慢易以溺人故君子不可以不慎也曰在其所藝曰易以溺人曰不可不慎皆戒其輕易也說文娥輕也古通作越荀子非相

篇筋力越勁謂輕勁也說文曰輕勁有材力是也楊倞注以越爲過人失之

苟有衣必見其敝

苟有車必見其軾苟有衣必見其敝人苟或言之必聞其聲苟或行之必見其成葛覃曰服之無射鄭注曰言凡人舉事必有後驗也敝敗衣也衣或在內新時不見家大人曰此言行之必見其成而以衣之必敗爲喻則爲不倫且與引詩之意不合鄭謂衣或在內新時不見其失也迂矣今案敝音布蔑反謂衣袂也廣雅袖被也曹憲音布蔑反古無補字俗敝爲之

齊風敝荀釋文敝徐扶滅反厥補聲

相近故字亦相通

有車則必見其軾。有衣則必見其袂。有言則必聞其聲。爲其事而無其功者。木之有也。故引詩以明之。或曰。敝古通作蔽。字謂蔽膝也。蔽膝謂之鞞。亦作縹。鄭注玉藻云。鞞之言蔽也。白虎通緇冕篇。縹者蔽也。案蔽膝不可但謂之蔽。鞞之言蔽也。縹者蔽也。皆釋其命名之義如此。非謂鞞一名蔽也。經也者。實也不可謂經爲實。祊之爲言倥也。又豈可謂祊爲倥乎。

患邪淫

三年問。將由夫患邪淫之人與。則彼朝歾而夕忘之。鄭注孔疏。皆不解患字。陳澧集說曰。患猶害也。邪淫之害。

性如疾病之害身。故云患邪淫也。吳澄纂言曰。患猶病也。謂有邪僻淫溺之病。家大人曰。如陳說。則經文當作爲邪淫所患之人。如吳說。則又當作有邪淫之患之人。皆與患邪淫之文不合。今案患邪淫之人。當作愚陋邪淫之人。愚陋。謂至愚極陋。不知禮義也。愚字與古文患字作患者相似。愚見說文。故愚誤爲患。又脫陋字。荀子禮論篇正作愚陋淫邪之人。

然而從之

然而從之。則是曾鳥獸之不若也。釋文從字無音。家大人曰。從讀爲放縱之縱。言若縱其朝外夕忘之心。則是

鳥獸之不若也。下文曰：將由夫脩飾之君子與？則三年之喪，二十五月而畢。若馴之過隙，然而遂之，則是無窮也。彼言遂君子之心，此言縱小人之心，縱與遂義相近也。荀子正作然而縱之。

問以二矢半

投壺，司射進度。壺，但問以二矢半反位。釋文出以二矢半四字。云：一本無此四字。依注則有家大人曰：據鄭注，壺去坐二矢半云云。則鄭本實有此四字。案此一節，但記度壺設筭之事。若筭之多少，矢之長短，及壺席相距之度，皆在下文。若此言度壺以二矢半，下又言壺去席

二矢半。則重出矣。且不言壺去席。二矢半。而言度壺。以二矢半。則文義不明。以二矢半四字疑衍。然陸孔二本。祇有此四字而無閒字。釋文云。以二矢半。一本無此四字。是陸本無閒字。正義云。雖矢有長短。而度壺皆使去賓主之席各二矢半。但釋度壺以二矢半六字而不釋閒字。是孔本亦無閒字。而正義前連經文。又有閒字。則後人依既初之經文加之也。至唐石經。則又衍閒字矣。夫有壺有席而後有閒。今但言壺不言席。則亦不得言閒矣。閒字蓋涉上文兩楹閒而衍。大戴禮記作司射進度壺反位。無閒以二矢半之文。

一指案寸

籌室中五扶。堂上七扶。庭中九扶。鄭注曰。鋪四指曰扶。

一指案寸。春秋傳曰膚寸而合。案大人曰案下亦當有
日字。寫者脫之耳。僖三十一年公羊傳注曰側手爲膚
案指爲寸。故鄭云鋪四指曰扶。一指案曰寸。說文摩一指接也。
陳氏禮書引此已脫日字。

居處齊難

儒行。儒有居處齊難。其坐起恭敬。鄭注曰齊難。齊莊可
畏難也。引之謹案。難讀爲難說文。懃敬也。徐鉉傳曰。今
詩作懃。小雅楚茨篇。我孔懃矣。毛傳曰懃敬也。爾雅同
懃。懃難聲相近。故字相通。齊難與恭敬義亦相近也。鄭
曰齊莊可畏難。殆失之迂矣。

不程勇者

勢蟲攫搏不程勇者引重鼎不程其力家大人曰不程勇者當作不程其勇與不程其力對文其勇謂已之勇也今本作不程勇者少一其字多一者字者字蓋涉下文諸者字而

衍則義不可通自唐石經已然案鄭注云搏猛引重不

量勇力堪之與否當之則往也孔疏云勢蟲攫搏不程

其勇者

今本無其字乃後人依已誤之正文刪之案疏內者字乃起下之詞非正文所有也下文引重

鼎不程其力者字亦起下之詞後人不知而刪其字

存者字以就已誤之正文謬矣今據下文及文選注補

其言儒者若逢勢猛之蟲則身往攫搏不程量武勇堪當與否合注疏觀之則正文本作不程其勇明矣文選

辨命論注引此。正作鶩蟲攫搏不程其勇。今本勇下有者字亦後人所加。而其字尚未刪。

鎚銖

雖分國如鎚銖不臣不仕。鄭注曰。言君分國以祿之視之輕如鎚銖矣。八兩曰鎚。引之譌案。二十四銖爲兩。八兩爲鎚。鎚與銖輕重相遠不得竝稱矣。古人言鎚者其數或多或少。淮南詮言篇割國之鎚銖以事人。高注曰。六兩曰鎚。倍鎚曰鍾。與鄭注八兩爲鎚相近。此數之多者也。說山篇有千金之璧而無鎚鍾之璫。諸注曰。六銖曰鎚。八銖曰鍾。此與詮言篇注異。而與說文亦曰鎚六銖。說文同。蓋許重注也。

銖也。鍾八銖也。眾經音義卷二十引風俗通曰：銖六則鍾，二鍾則鎰，又以十二銖爲鎰。此數之少者也。記以鎰銖，竝稱輕重，必不相遠，則當以六銖曰鎰爲正。解荀子富國篇：罰國之鎰銖以賂之，亦當訓鎰爲六銖。而楊倞注曰：八兩爲鎰，失之。

上恤孤而民不倍

大學：上恤孤而民不倍。鄭注曰：民不倍，不相倍棄也。倍，或作倍。正義曰：孤弱之子，人所遺棄，在上君長若能愛恤孤弱，則下民學之，不相棄倍也。引之謹案：倍，謂倍外者也。借外者，則不恤其孤矣。坊記：利祿先外者，而後生

者則民不偕先亾者而後扞者則民可以託以此坊民
民猶偕外而號無告鄭彼注曰外者見偕其家之老弱
號呼相冤無所告無理也是其證

尚亦有利哉

大學引秦誓曰以能保我子孫黎民尚亦有利哉鄭注
曰尚庶幾也家大人曰尚亦當爲亦尚高誘注淮南覽
其篇曰尚主也今書作亦職有利哉傳曰亦職主有利職亦主也
亦尚與亦職同寫者誤倒其文耳秦誓又曰亦尚一人
之慶是其證也尚亦主也說見前論衡刺孟篇引秦誓亦尚一人之慶下
日黎民亦尚有利哉此尤爲確證又案禮記所引尚書

有與伏生今文同者若無逸之言乃雉。今文雉作謹而檀弓坊記引書竝作謹是也。大學引書亦尚有利哉蓋亦與今文同。論衡所引皆今文尚書以是明之。

教成祭之

昏義教成祭之。牲用魚。芼之以蘋藻。家大人曰教成祭之。當作教成之祭。謂三月教成乃祭。女所出之祖而告之。故曰教成之祭。其祭以魚爲俎。實蘋藻爲羹。菜與正祭之用牲牢者不同。故曰教成之祭。牲用魚。芼之以蘋藻也。若倒之祭爲祭之則教成當別爲一句而祭之二字文不成義矣。自唐石經始作祭之而各本皆沿其誤。

鄭注本作祭祭其所出之祖也

采蘋箋亦云此祭祭女所出祖也

正義

釋經本作教成之祭者云云釋注本作云祭祭其所出之祖也者云云今本注文作祭之祭其所出之祖也正義述經文注文亦作祭之皆後人據已誤之經增改未誤之注疏也據正義下文云故知此告成之祭唯此之祭二字未改亦使有司也則經文本作之祭甚明召南采蘋箋全用此文而云教成之祭牲用魚芼之以蘋藻又采蘋采蘋正義言教成之祭者凡二十有五左傳襄二十八年正義亦作教成之祭又采蘋正義云鄭知經非正祭者以昏義教成之祭言芼之以蘋藻此亦言蘋藻故知爲

教成之祭此尤其明證也鈔本北堂書鈔禮儀部五引
昏義亦作教成之祭

陳禹謨本又
改爲祭之

故聖人制之以道鄉人士君子

鄉飲酒義故聖人制之以道鄉人士君子尊於房戶之
閒賓主共之也鄭讀故聖人制之以道爲句鄉人士君
子尊於房戶之閒爲句注曰道謂此禮鄉人鄉大夫也
士州長黨正也君子謂卿大夫也卿大夫飲國中賢者
亦用此禮也家大人曰自冠義至聘義六篇皆列儀禮
經文於上而釋之於下尊於房戶之閒儀禮經文也賓
主共之記者釋經也然則鄉人士君子五字與尊於房

戶之閒文不相屬。案故聖人制之以道鄉人士君子。十

二字當作一句讀。制之謂制此禮。

射義曰。是以天子道制之。而諸侯務焉。

讀如道之以德之道。謂聖人制此禮以教道鄉人士君

子耳。

樂記曰。先王恥其亂。故制雅頌之聲以道之。

再連上文讀云。君子尊讓

則不爭。絜敬則不慢。不慢不爭。則遠於鬪辨矣。不鬪辨

則無暴亂之禍矣。斯君子之所以免於人禍也。故聖人

制之以道鄉人士君子。則其義自明。下文尊於房戶之

閒賓主共之也。別釋經文不與上屬鄉人一鄉之人也。

士君子謂士大夫也。賓介爲士。主人爲大夫。大夫謂之

君子。諸公大夫亦謂之君子。故曰以道鄉人士君子也。

說見儀禮先生君子下。鄭以鄉人爲鄉大夫。主爲州長黨正君子爲卿大夫士。又謂卿大夫士飲國中賢者亦用此禮。此文不見於經傳於是鄉飲酒禮自賓賢能及蜡祭習射而外。又增其一而爲四矣。

求反諸己

射義發而不中。則不怨勝己者。反求諸己而已矣。唐石經反求作求反。家大人曰。求反諸己。文義不順。蓋涉上文求正諸己而誤也。據正義云。唯內求諸己。不病害於物。則正文本作反求諸己。甚明中庸云。夫諸正鵠。反求諸其身。孟子公孫丑篇亦云。反求諸己而已矣。小雅賓

之初筵正義白帖八十五引射義皆作反求諸已

縝密以栗

聘義縝密以栗。知也。鄭注曰：栗，堅貌。正義曰：言玉體密緻而堅剛，人有智者，性亦密緻堅剛，故云知也。引之謹案：堅剛非知也。栗者，秩然有條理之貌。說文：璫，玉英華。維列秩秩，璫與栗同。栗之爲言，猶秩也。周頌良耜篇：積作積之秩秩。哀二年公羊傳：戰于栗。釋文：栗，一本作秩。是栗秩古字通。爾雅曰：條條秩秩，知也。玉體密緻而條理秩然，有如知者，處事密緻而秩然不紊，故曰縝密以栗，知也。管子水地篇：夫玉溫潤以澤，仁也；鄰以理者，知也。荀子法行篇：夫王者溫潤而澤。

仁也栗而理知也

俗本栗上有與字後人據聘義增之也辨見荀子

說苑雜言

篇玉有六美望之溫潤近之栗理望之溫潤者君子比德焉近之栗理者君子比智焉鄰栗一聲之轉皆清徹之貌也唐風揚之水傳曰鄰鄰清徹也鄰與鄰通尹知章訓鄰爲爾雅曰秩秩清也秩與栗通玉之符采清徹而有近非條理亦如知者之不惑故曰鄰以理者知也又曰栗而理知也又曰近之栗理者君子比知焉

犧尊象尊

周官司尊辨春祠夏禴其朝踐用兩獻尊其再獻用兩象尊鄭司農云獻讀爲犧犧尊飾以翡翠象尊以象鳳

皇或曰以象骨飾尊。明堂位尊用犧象。山壘鄭注曰。犧尊以沙羽爲畫飾。象尊象骨飾之。正義引鄭志曰。犧讀如沙。刻畫鳳皇之象於尊。其羽形婆娑然。或有作獻字者。齊人聲之誤耳。魯頌閟宮篇。犧尊將將。毛傳曰。犧尊有沙飾也。正義曰。犧尊之字。春官司尊彝作獻。鄭司農云。獻讀爲犧。犧尊飾以翡翠。象尊以象。鳳皇或曰以象骨飾尊。此傳云。犧尊有沙羽飾。與司農飾以翡翠意同。阮誥禮圖云。犧尊飾以牛。象尊飾以象。於尊腹之上畫爲牛象之形。王肅云。大和中。魯郡於地中得齊大夫子尾送女器。有犧尊。以犧牛爲尊。然則象尊尊爲象形也。

王肅此言以二尊形如牛象而背上負尊皆與毛鄭義
異未知孰是家大人曰莊子天地篇曰百年之木破爲
犧尊青黃而文之淮南俶真篇曰百圍之木斬而爲犧
尊鏤之以剗剗雜之以青黃華藻縛鮮龍蛇虎豹曲成
文章高誘注曰犧尊猶疏鏤之尊犧古讀若娑娑與疏
聲相近明堂位周獻豆鄭注亦曰獻疏刻之然則犧尊
者刻而畫之爲獸物之形在六尊之中最爲華美故古
人言文飾之盛者獨舉犧尊也魯頌言犧尊將將亦是
盛美之貌管子形勢解曰將將鴻鵠貌之美者是也毛
傳曰犧尊有沙飾者鄭司農曰飾以翡翠後鄭曰刻畫

鳳皇之象於尊其羽形婆娑然說雖不同而同是彫文刻鏤之義則亦不甚相遠也至阮詵謂犧尊以牛爲飾祇因犧字從牛遂望文生義而創爲此說案說文犧宗廟之牲也詩曰以我齊明與我犧羊傳曰雄雞白鴈其犧然則犧者牲之總名而六畜之所公其尊名謂之犧何以知其必爲牛也記曰天子以犧牛諸侯以肥牛大夫以索牛若犧牛可稱爲犧則肥牛亦可稱爲肥索牛亦可稱爲索乎然謹之說猶謂尊以牛爲飾至王肅則謂形如牛而背上負尊且引齊大夫子尾送女器爲證於是後人皆信其言而斥毛鄭諸儒爲臆說此尤不可

以不辯周官六尊六彝之名多取諸鳥獸。雞彝鳥彝虎彝雉彝皆謂畫其形以爲飾。若犧尊爲牛形則與雞鳥諸彝之制不合。且莊子曰百年之木破爲犧尊。淮南曰百圍之木斲而爲犧尊則古人以木爲犧尊明矣。今魯郡所得犧尊在地中七百餘年而完好可以辨識以木爲之乎。抑以金爲之乎。以木爲之則不能經七百年而不壞。以金爲之則又與莊子斲木爲尊之說不合。無一可者也。然則子尾送女之器本與犧尊無涉。特王肅以犧尊爲牛尊。故見有器如牛形者卽援以爲證耳。宋宣和博古圖所載周犧尊二皆爲牛形則又襲肅說而僞

爲之者不足浚辯也。若象尊之制。司農謂以象骨飾尊。阮湛謂畫象以爲飾。經傳既無明文。不敢臆斷。王肅謂尊爲象形。而背上負尊。亦與雞彝諸彝之制不合。不可從也。

闌 中門

孔穎達玉藻正義謂闌杜門之中央。賈公彥聘禮疏謂闌有二。東西各一家。大人曰。孔說是。賈說非也。玉藻君入門。介拂闌。鄭注曰。上介夾闌。賈以爲上介於西闌之外。拂闌案如賈說。介所拂者爲西闌。則經當云君入門。介拂西闌。注亦當云上介夾西闌。乃與東闌有別。今經

與注皆但云闌不云西闌則門惟一闌杜中而非東西二闌矣其證一。玉藻又云公事自闌西私事自闌東闌一而已故闌之左曰闌東闌之右曰闌西若有東西二闌則所謂自闌西者東闌之西乎而闌之西乎所謂自闌東者東闌之東乎而闌之東乎經與注不應全無分別也其證二賈云上介於西闌之外上賓於東闌之外皆拂闌案聘禮賓者出請事鄭注曰賓出次直闌西北面上賓杜闌東闌外西面若有東西二闌則注當云賓出次直西闌西北面上賓杜東闌東闌外西面矣今注不言東闌西闌而但云闌則非二闌可知其證三曲禮

大夫士出入君門。由闌右。注曰闌門。廩正義曰從闌東也。如闌有二。則經當云由東闌右。縱經不言東。注亦當增成其義云闌東闌也。乃與西闌有別。何以經但言闌。注亦但言闌門。廩而不云東闌乎。豈非門廩但處中央而無東面之可言乎。其證四士冠禮。布席于門中。闌西闌外。注云闌門廩。如闌有二。則經當曰布席于門中東闌西。或云西闌西。乃有定所。注亦當曰闌西東闌西也。或云西闌西也。經義乃明。今經但云闌而不云東闌西闌。注亦但云闌門廩而不云有東面二闌。則闌杜中央而非東西並列矣。士之門與諸侯之門。大小雖殊而制

則一也。其證五。昭八年穀梁傳置旃以爲轅門。以葛覆

質以爲塾。范注曰。塾門中梟。

塾梟並與闔通。

轅門之闔亦放宮

室之門制也。而闔杜門之中央。曷嘗有二闔乎。其證六

合經注觀之。闔當兩門之間。而非分列東面。較然明白。

不得如賈所去也。

賈於秋官司儀疏云。朝君入由闔。面亦拂闔。則又以闔爲一。與聘禮疏兩

闔之說自相違異。

賈又云。中門謂兩闔之間。案門有兩扉。一扉

之中。亦謂之中。士冠禮。布席于門中。闔而闌面者。右扉

所杜也。門中者。右扉之中也。若謂門中是兩闔之間。則

經當云。布席于門中。闔間。不得云闔面矣。曲禮爲人子

者。立不中門。鄭注曰。中門謂根闔之間。論語鄉黨篇立

不中門鄭注曰不當棖闥之中央

見土相見禮疏

棖闥之中央

正當一扉之中也其非兩闥之閒明甚皇侃論語疏曰中門謂棖闥之中也門中央有闥闥以駭門兩扇之交處也闥東是君行之道闥西是賓行之道也長於賈氏遠矣或難孔氏正義曰棖闥之閒大夫所行卿則近闥是近闥處尊於棖闥之閒矣謂棖闥之閒爲中門可乎且賓不中門大夫中棖闥之閒豈大夫轉中門邪以偏爲中斷無此理且鄭氏云君入必中門上介夾闥言君與介夾闥之左右若止一闥是介與君並行矣孔氏非也

以上或說

案中門者一門之中非兩門之中也一門之中

則棖闌之間也。棖闌之間爲中門。鄭注禮記論語皆明
箸之。不得以爲非中門也。大門時君特行。不與介連類。
大夫但與上介。未介雁行爲次序。不敢與君爲次序也。
君與大夫雖同杜棖闌之間而行。列絕異。不得以大夫
擬于君之中門爲嫌。若聘賓入不中門。其三介隨人。雁
行與否。經無明文。又不得以賓不中門而介中門爲嫌
矣。棖闌之間正當一扉之中。故鄭注聘禮云。門中。門之
正也。謂一門之正中。非偏也。不得云以偏爲中。若謂中
門爲兩闌之間。則主賓出入共由於此。秋官司儀諸公
相爲賓主。君車
逆拜。辱賓車進荅拜。三揖三讓。每門止一相。鄭注日至
而三讓。讓入門也。若依賈說。則出人當杜兩闌之間。

主國之君杜東來朝之君杜西皆不當兩扉交處則反杜易而不杜中矣不與君入必中門之說相刺謬乎廣雅云夾近也。上介近闕故注謂之夾闕。非謂與君夾闕之左右也。故注但云上介夾闕而不云上介與君夾闕則非取左右相夾之義可知。若謂上介與君夾闕而行則是君亦拂闕矣。司儀疏云朝君入由闕西亦拂闕與鄭注君入必中門不合其說甚誤君入當振闕之閒未嘗拂闕也。君與介尚何尊卑之別乎。或說非

經義述聞弟十六